

Mawlana Shaykh Muhammad Adil ar-Rabbani

HUMEIN KAUNSA ZIKR ROZANA PADHNA CHAHIYE?

As-Salāmu ‘Alaykum wa RaḥmatuLlāhi wa Barakātuh.

A‘ūdhu BiLlāhi Minash-shayṭāni r-raḥīm. BismiLlāhi r-Raḥmāni r-Raḥīm.

Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.

Madad yā RasūlAllāh, Madad yā Sādāti Aṣḥābi RasūlilLāh, Madad yā Mashāyikhinā,

Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāẓim al-Ḥaqqāni. Madad. Tarīqatunā aṣ-Ṣuḥbah wa l-Khayru fi l-Jam‘iyyah.

BismiLlahi r-Rahmani r-Rahim:

وَلِلّٰهِ الْأَسْمَاءُ الْحُسْنَىٰ فَادْعُوهُ بِهَا

(Qur’ān 07:180). ‘Wa li-Llāhi l-asmā’u l-ḥusnā fad‘ūhu bihā’, ‘Aur Allāh hi ke liye Sabse Khoobsurat Naam hain, lehaza tum unke zariye Use talab karo.’ Allāh ‘Azza wa-Jalla ke 99 naam hain. Hamaare Rasool ﷺ farmate hain, “Inhein padho.” Aap ﷺ yeh bhi farmate hai, “Jis ne inhein yaad kiya ya padha, woh Jannat mein dakhil hoga.” Bilkul, Allāh ‘Azza wa-Jalla ke bahut se naam hain, lekin 99 naam hamaare Rasool ṣallā Llāhu ‘alayhi wa-sallam ki Ummat par zahir kiye gaye hain. Agar hum rozana inhein padhte hain toh yeh bahot achha hai. Is tarah, InshaAllāh, hamaare Rasool ṣallā Llāhu ‘alayhi wa-sallam ki Jannat ki basharat haasil hogi. Hamaare Rasool ṣallā Llāhu ‘alayhi wa-sallam farmate hain, “Tum Jannat mein dakhil hoge.”

Bilkul, log kabhi kabhi aisa sochte hain, “Hum kaun sa naam padhein?” Tarīqat mein rozana “Ya Wadūd” 300 martaba padhne ka wazifa hai. Yeh padhna behtar hai. Yeh logon mein mohabbat badhata hai. Logon ki taraf se buraai nahi aayegi. “Wadūd” naam ka matlab jaise dosti aur mohabbat hain. Bilkul, iske bahot saare matlab hain; Allāh ‘Azza wa-Jalla ke naam ke be-inteha maa’ne hain. Allāh ﷻ ka shukr hai, Mawlānā Shaykh Nāẓim ne humein iski tajweez ki. Joh Tarīqat wale hai woh ise padhein. Bilkul, aur bhi kayi naam hain. Joh iske baare mein puchte hai, “Kaun sa naam hum padhein?”, toh tum tamaam 99 naam ko rozana ek martaba padho aur iska zikr karo. Allāh ﷻ ke inn mubarak aur khoobsurat naam se barkatein aati hai, aur har qism ki achhai logon tak pahonchti hai. Jo shaks Allāh ﷻ ke saath hota hai, us par har qism ki achhai zahir hoti hai, woh khair haasil karta hai, aur buraai se door rehta hai.

Mawlana Shaykh Muhammad Adil ar-Rabbani

Allāh ﷻ hamare dilon mein apna zikr qaim rakhe, InshaAllāh. Allāh ﷻ isey unhein bhi ataa farmaye jo ise nahi padhte. Kyunki aaj kal log naa deen jaante hain, naa īmān, naa Rasool ﷺ, naa Allāh ‘Azza wa-Jalla. Woh khali zindagiyan guzaarte hain. Apne alawa doosron ko bhi is khalaal mein dhakel dete hain yeh keh kar, “Aisa kuch bhi nahi hai.” Halanki woh is baat se be-khabar hain ke ek insaan ko sirf Allāh ﷻ ke ek naam ka zikr karne se kitne zyada fawaid haasil hote hain. Unke dilon mein aur chehron par noor bhar jata hai, unki zindagiyan khoobsurat aur barkat wali ban jati hain. Allāh ﷻ humein in neymaton se mahroom naa kare, aur InshaAllāh unhein bhi ataa farmaye jo abhi tak ise nahi padhte.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
01 July 2026/ 16 Muharram 1448
Fajr Namaaz – Akbaba Dergah, Istanbul